



序

蘿軒

從來粵嶠羣推文物之

羅雲

邦豈獨靈洲始盛衣冠

之氣然而濟名黃木滙百

谷以朝宗山拱白雲環千

峰而挺秀所由番山徵
士異時見慕於表宏玉
若南海區生當代傾心
於韓愈也季友藥亭誕
生華胄毓林樾藻才既

無雙桂苑攀花名居第

一自此上書北闕佳篇已

播鴻都豈知久困南宮

晚歲方題鴈塔問域中

之者宿莫不異地以同心

逢宇內之名流亦肯忘年
而托契甫校書於玉署決
志抽簪旋返轡于珠江杜
門謝客花晨月夕總付吟
牋藥白茶鐺時依文几久

矣人推三傑偕陳屈以齊驅
集號六營軼宗唐而獨步
矣僕與先生齒雁兄事宴
紅綾於日下曾叨附驥之
榮開絳帳於天南復遂登

龍之願方擬輜軒少息常
共追歡詎期館舍忽捐竟
成永訣嗟乎公今長往誰為
壇坫之宗我亦將歸空抱
人琴之慟爰謀荆氏急鐫


瑤編喜諸友之贊襄感
世交之讎言校教題數語用
叙平生僕何人斯敢弁松
陵之集並有識者自知長
慶之詩

康熙乙酉嘉平西泠門年

第翁嵩年頓首拜撰



序



文字古今之氣脈也天地一氣之所積也日星雷雨川嶽人物氣之形也天地之文也寒燠晝夜陰晴潮汐與魚龍鳥獸昆蟲草木之生化人事之榮寂並代

之更遷氣之動也文之靈奇變
化也大塊之文常形異態歷萬
變而不一復而天籟之鳴嘯其
清越激昂震蕩之氣則風也氣
之聲也詩也者就天地之文虛
其氣以為聲者也苟非博覽墳

索閱歷山川體會含蓄矚悉夫
天人治亂興亡是非邪正得失
之機明於禮樂制度人物之故
領溫柔敦厚之旨得夫興觀羣
怨遠通多識之義潛心殫智充
積而神明之未易搯三寸之管

關兩間之蘊靈竒變化而使其
言之不滅沒也昌黎曰氣水也
言浮物也水大而物之浮者大
小畢浮夫能養其氣貫乎六合
通乎萬古流動舒暢觸萬類而
各得其狀則其言也根於有本

發於無窮博設而不襲矧異而
不虛見者若洩沉懷聞者互相
引動愛莫能秘惡莫能毀狀後
知天地之文賴人以傳而傳者
寡亦視乎其人之為言也方
今海內無不奉嶺南三大家而

藥亭梁公受天地精粹之氣直
養無害故發之文字充於有形
入於無間昔孫僅叙杜詩曰得
天地真粹之氣縱出橫飛疑無
涯隅表乾裏坤滾入隱奧今梁
公歿而公之氣接續往古浩々

穆在天下壤也姚齊州使君嘗
論公高懷淵潔天真浩瀚天地
間不能多其人不可少其文自
哉言乎惜其文之未盡傳於世
也公在君孝稚函一搜公遺稿
並沈君方舟錄本屬玉編次至

荒鄙無似然不敢辭敬受歸旅
舍盡日夕披閱領會開豁迎人
稱誦以故交遊過從見輒把讀
不忍去於是白君勗庵姚君齊
州李君澄園齊君峻谷皆愛公
之詩謂玉曰梁公宇內之文人

也其詩文宇內之詩文也同心
之好曷共編校錄以公諸世因
復廣輯彙錄成帙就學使翁公
而正之蓋學使與公為同門交
契而翁公又當代壇坫之宗也
爰得鑒定與四使君割俸以授

大學堂集序
五
剖劂噫公與家君交四十年至
從公遊久受文字之知最深不
忍公著作之沒而今幸以傳於
世也初公慕先大父文忠公棄
相歸禪孤忠絕學交於家君至
以通門故得悉公生平公靜慧

端介肆力於文圃垂老不倦卓
犖之裏羅萬有而脩三才融神
智入理窟若鴻濛渾穆葆光內
蘊若五音之備具於器若江淮
河漢之分源條達其氣一動則
四時行八音舉百川流匯發之

咸宜沛之莫測公蓋以扛九鼎
之力運寸管也以營四海之日
分位置也以布六奇之法妙出
入也以鸞鶴冲雲之勢領其超
奇以魚龍狎浪之姿鼓其變態
以漱雪嚼冰之韻歸之峻潔以

水到渠成之理還之自然也公
坐擁百城行十萬里凡所著作
悉發之靈性即酬應之章亦必
慘澹經營搔爬其筋節抒其意
之所注惜稿成旋擲去無多存
者今就搜錄各體次為八卷合

其初集以行雖編輯先後不齊
然精粹之氣具在矣昔李遐孫
與楊極同登第友善楊歿李憫
其孤叙次其集曰華之心較徐
孝穆之憐許衛尉孤且倍之李
青蓮卒於姑孰其時李陽冰為

當塗令收其集梓以行立至今
咸艷稱之今翁公恤其藐孤傳
其遺集諸使君同抒心力而表
彰之曰為宇宙詩文計公之海
內是則天下後立之得讀公集
者欣悅感頌視前賢當何如而

况其子若孫乎况王之急思其
流布者乎夫薄俗之音剽竊鉅
釘輕浮重滯即善者亦不過如
鳥獸之好音草木之繁華而其
氣不足過即已焉公之濶弘沉
鬱如天籟無形萬竅觸發接闔

闔之氣於噓吸開卷而若縈繞
於目掩卷而若渾會於心在讀
之者知之非五言之諛也皇甫
湜為前輩顧逋翁序遺詩欵歎
之至轉為叫笑白樂天序元少
尹集吟曰遺文三十軸軸一金

五聲龍門原上土埋骨不埋名
公之集固未易滅沒者幸今之
即得行於世續千古之脈而長
留精粹之氣運於宇宙玉亦轉
歛歛為叫喚也謹據懷而叙之
寄乙酉歲嘉平月香山長龍眠

舍
通家子方正玉
扃撰於禺山寓



六瑩堂二集序
卷之二
卷之三
卷之四
卷之五
卷之六
卷之七
卷之八
卷之九
卷之十
卷之十一
卷之十二
卷之十三
卷之十四
卷之十五
卷之十六
卷之十七
卷之十八
卷之十九
卷之二十
卷之二十一
卷之二十二
卷之二十三
卷之二十四
卷之二十五
卷之二十六
卷之二十七
卷之二十八
卷之二十九
卷之三十
卷之三十一
卷之三十二
卷之三十三
卷之三十四
卷之三十五
卷之三十六
卷之三十七
卷之三十八
卷之三十九
卷之四十
卷之四十一
卷之四十二
卷之四十三
卷之四十四
卷之四十五
卷之四十六
卷之四十七
卷之四十八
卷之四十九
卷之五十
卷之五十一
卷之五十二
卷之五十三
卷之五十四
卷之五十五
卷之五十六
卷之五十七
卷之五十八
卷之五十九
卷之六十
卷之六十一
卷之六十二
卷之六十三
卷之六十四
卷之六十五
卷之六十六
卷之六十七
卷之六十八
卷之六十九
卷之七十
卷之七十一
卷之七十二
卷之七十三
卷之七十四
卷之七十五
卷之七十六
卷之七十七
卷之七十八
卷之七十九
卷之八十
卷之八十一
卷之八十二
卷之八十三
卷之八十四
卷之八十五
卷之八十六
卷之八十七
卷之八十八
卷之八十九
卷之九十
卷之九十一
卷之九十二
卷之九十三
卷之九十四
卷之九十五
卷之九十六
卷之九十七
卷之九十八
卷之九十九
卷之一百



六瑩堂二集總目

南海梁佩蘭藥亭父著

男

僧述

沂

編次

卷之一

樂府

卷之二

五言古體

卷之三

七言古體

卷之四

七言古體

卷之五

五言近體

卷之六

五言近體

五言排律

卷之七

七言近體

卷之八

五言絕句

六言絕句

七言絕句

附詩餘

六瑩堂二集卷一

南海梁佩蘭藥亭著

龍眠方正玉鶴洲編

武林翁嵩年蘿軒訂

南海廖

焯南曉校

古樂府

走馬引

驚風歛來天馬下夜半無人空四野月落城頭星
照瓦琉璃匣吐蓮花鋌腰出走馬插豹韃直行萬
里入幽燕幽燕報仇多少年

求仙行

黃金可成丹可得世上見誰髮長黑秦皇枉用求

神仙終入銀海穿三泉銅盤承露非人進漢武徒
授白茅印大道植爲天地根至人得一毋弗存沐
日浴月共長久朱帶金鈴復何有

古鏡歎

古鏡照心不照面當時高挂秦皇殿菱花八角光
玲瓏黃金鑄出雙盤龍咸陽火燒歷千載宮裏流
傳至今在珊瑚絙額懸妝樓美人對着蛾眉愁承
恩聽說無鹽女自掩如花默無語

古釵歎

天桃花發紅滿蹊青芹井邊燕啄泥銅餅汲井一
聲落古釵挂上青絲索拭來黦色仍有光取配翠
鬪陳象牀不是佳人莫輕送愛他鏤刻九鸞鳳古
來尤物等塵沙君不見苧蘿女兒曾浣紗

湘江曲

湘江萬古相思淚湘竹斑斑照江水黃陵花落春
日陰二妃彈瑟龍夜吟江流不斷淚不竭愁雲飛
向蒼梧結

各東西

各東西日出月入青天無所離離九皇星欲墮駝
車礪碾天馬嚙太行山上何時平春非我春夏非

我夏道旁誰是息肩者不如踢倒崑崙臺俯視造化如嬰孩

拔劍行

少年血氣何太苦中夜拔劍屢起舞自言能擊白猿公向天一指無長虹眼看貂裘騎大馬衆中俱出少年下佩身無過短尾刀旁人不識稱豪曹何怪慷慨欲斫地孤劍不鳴不肯棄劍雖不鳴汝當知風塵用劍自有時

雀飛多

雀飛多蔽黑天地奈爾何野田跳跟共啄禾嗟爾

雀小翅與觜只可樹間啄蟲蟻田家禾熟未築場里胥催賦先下鄉買禾輸賦尚不足昨日村頭賣黃犢

吳宮怨

上天白兔遮桂樹玉盤明月挂何處嫦娥無意照人間衆星半隱黃姑渚橫塘煙暗芙蓉紅水風一動香微通館娃宮中列萬炬姑蘇臺上光臃腫此時君王正驩讌美人如花羅四面不知承恩是阿誰雞人報曉傳虬箭雨落必作泥雲去斷無影君不見古時流淚泉至今化爲八角井

王昭君

艷色無黃金丹青有誰讓昭君昔辭漢掩面啼馬
上一爲胡闕氏胡女盡沮喪琵琶彈玉關襜褕耀
羶帳妾生在漢地焉敢忘漢恩當時不嫁胡誰知
絕世人

塞上曲

邊庭多早寒入秋氣凜冽胡桑落旣盡遍地白草
折霜嚴弓力脆風急刀頭撥飲馬向長城滿自古
戍骨惟有雁門關尚見秦時月
胡兒好逐獵出入乘橐駝射得兔鹿歸自唱敕勒

歌羶帳如城墻冰雪高嗟峨飲我馬乳酒醉後一
枕戈前有白龍堆後有黑水河

寄衣曲

霜清露白砧聲冷絡緯燈邊照孤影年年秋日望
人歸及至秋來空寄衣襦襜八裊絲五撮鍼縷縫
成纖手摺稱身寬窄難揣量刀尺依舊裁短長妾
人不識關山路今夜龍城夢中去

漁父詞

日落前村少人渡溪邊夜浥芙蓉露蒹笠茫茫泝
大江星月隨身不知顧船頭一枝鶴骨笛手中七

尺珊瑚樹拔得鯨牙踏浪迴又候龍眠探珠去
漁翁把釣如小兒一竿下水忘釣絲得魚換酒醉
足樂無魚亦向蘆花泊白頭枕着紅葉蓑浮沈天
地奈我何大江網罟無時了似翁不用機心少子
孫滿眼聚漁屋港口炊煙菰米熟拍手鷓鴣入深
竹

牧童詞

江村春來新草生田家養牛方春耕牧童驅牛出
村巷長堤曲坂爭相鳴穿沙渡水坐牛背首戴圓
笠風吹橫母牛舐犢緩緩行物類恩愛關人情地
平草多牛跳躍縱牛食草解其縛前聞村女插秧
歌和歌截竹敲牛角

樵父詞

天明星光滿山腹踏星唱歌繞山足林間猿狖猶
未鳴坎坎斧聲動高木仲冬陰木大半乾山風颯
颯吹人寒夕陽下山樵擔重十步一歇筋骨酸回
頭深雪已封路明日采樵向何處安得山移在屋
前落木滿地能賣錢

大塊篇

仰觀大塊俯譬一粟粟中有蟲以粟爲屋跂喙出

入蠕動生育爰長子孫爰立宗族飲食宴會聲色
嗜欲樂見有餘貪見不足如髮斷根斷必思續如
毛出孔出不計縮去馬來牛飛車轉軸不知天地
有傾有覆不知陰陽有剝有復不知日月有晦有
朧山有時崩水有時濁所以至人相忘局促大笑
不言長歌當哭

六瑩堂二集卷二

南海梁佩蘭藥亭著 龍眠方正玉鶴洲編

武林翁嵩年蘿軒訂 南海廖 焯南暉校

五言古詩

有詢羅浮水簾洞者答之

石樓面雲巖入洞風迴薄玲瓏雪如嵌左右藤交
絡簾飛百丈虹石臥千叢壑舞花藥槽滿遊蝶黍
珠落真人翔鳴鸞虛疑靈璫樂

新城王阮亭祭酒招同蔣京少馮大木白子
常讌集用柳柳州雨後獨至愚溪高樹臨清

池風驚夜來雨句爲韻得十首

盛夏草木焦火旻遍煎熬閉門在客舍何以散鬱
陶清泉汎甘瓜雪漿湛含桃故人念我來真契忘
位高休沐枉瑤華觴詠滋醇醪
翔禽戾層霄騰鱗戢清渚萬物氣化中隱顯同一
趣予亦託天地暢遂得所寓茲辰愜良懷獲與君
子遇相扣白玉壺欲折珊瑚樹
中庭兩奇木交柯垂清陰枝葉接飛欄上有朱鳳
臨黃鳥何關關相過和好音有似二三子高會成
盍簪申章酌介雅游絃抽素琴

水盤列几案左右形神清銅餅冒朱花四座爲鮮
榮戎戎沈水香螿蟄秋蚓行金芽蘊石鼎碧乳流
玉英誰當逢麴車一醉不願醒

華星夾明月翠笛連哀絲西園駢飛蓋波激芙蓉
池建安美風流芳軌今在茲大者賦辟雍小者明
笙詩一試爲唱酬音響同埴篔

禾黍作衰周君子哀王風三百漸淪沒大雅將誰
從后蒼起自齊魯有申培公君今紹千載英聲振
羣聾置身賡卷阿鳴鳳栖梧桐

匣中有寶劒截髮自鑄成抱出日月飛佩之魑魅

驚空山四無人中夜奔雷霆安能養死水終欲孽
青冥今日向尊前爲君作龍鳴

四時相推延百年迺虛假哲人在宇宙所以同傳
舍縱觀無古今卑論者王霸涉水辨淄澠升車識
高下白日何處沈螢光照殘夜

吾慕燕昭王高築黃金臺馬骨收已朽千載生餘
哀浮雲薄太行碣石負海來宮殿鬱崇基虹帶纓
蓬萊瞻望想壯麗忽墮白玉杯

微涼上巾帶挂壁饒白羽高堂做虛牕暑退不知
處堵渠瀉晴溜猶是昨宵雨引啼旣清迴斂懷復

澄慮邈然望西山暝色馳入暮

贈徐健菴宮贊

帝居蓬萊宮佳氣蒼紫微窈窕垂五雲花蘂成金
枝粲爲三能星天闕揚光輝連綴貫珠斗幹運週
璿璣誰能仰層霄皎潔長相依

具區秘靈奧颺發崑山陽篤生我大賢以爲邦家
光對策準天人臚唱登玉堂華萼相後先當代莫
與抗鴻猷思翊贊致主希虞唐唾彼管樂才所學
徒霸王

瑤臺敞太清金鏡耀四海美人乘早旭膏沐呈光

彩君王召相見果爾誇絕代出入陪金根侍從隨
羽蓋東鄰有好女寶璐爲雜佩欲嫁無良媒粧成
斂眉黛
側聞太華西諸峰列兒孫黃河納九曲星宿爲遡
源春風鼓萌芽桃李知受恩大儒秉道德志士歸
其門玉帛不以陳鐘鼓不以歡所貴志士懷道德
同本根

僕本海邦人夙昔承顧盼貧家破茅屋夜坐恒至
旦辨論摧箭鋒文賦迴鳥瀾中間一揮手遠隔同
朔雁十年此度來雲泥更相判不忘故交好相見
成燕衍刻我肺與肝毋使金石爛

送費琰次歸樅陽

費生氣高邁抗志師古人時無孔仲尼道德將誰
親栖栖齊魯間往來厭風塵旅食留長安三載備
艱辛非無公卿交樂處惟賤貧求我於寂寥情意
多所申腹貯今古書吐辭皆深醇賦詩繼國風正
聲何鮮新大美恒中藏至寶毋自陳勗哉守堅璞
以爲天下珍

我出彰義門子行自通州龐涼遍秋氣客舍不可
留客子衣裳單貴人漸衣裘馬首隨大車馬蹄辭

方舟雖同往江南水陸成阻修且爲立須與與子
相綢繆綢繆亦何爲返子之林丘堂上有老親門
外無遠遊膝下良獨難富貴非所求酌泉當美酒
烹葵當肥牛顧視世上人有此真樂不

題顧梁汾積書巖用唐人宿惠山詩韻

茲巖敞西神合沓盤鬱蒼上有松柏桐森列俎豆
堂葳蕤紫瓊枝絳氣相縈翔祖德爲鳳儀文孫亦
龍光芙蓉灼湖水采薦流芳香丹蘄在檠桷瞻拜
以不忘

積書滿石室君本金華人自從休沐歸學問隆日
新上智辨黑白大道無緇磷移陰愛圓景騁轡悲
遊塵意氣生虹蜺顧笑凌蒼旻我願舍故居來結
君子鄰

石壁延高蘿陽林耀修樾馳花鳥影墜飲澗鹿迹
絕莓莓雲片生黓黓煙景滅九峰列晴漢萬古秘
日月人幽草木靜山響笙簫發緬想黃農前後先
豈殊轍

贈成容若侍中

崇蘭鬱深澗青松挺重岡志士無外營氣味同孤
芳掩戶二十年坐臥惟一牀耒苗事東臯垂釣歌

滄浪高秋八九月朔雁紛南翔詎期故人書託雁
相銜將上言報親友下言抒衷腸勸我入帝京結
束衣與裝自從屈仲冬大江動帆檣日月翻頽波
天地歸微茫走馬渡黃河冰塞人馬僵沙磧乘飛
塵肌膚切嚴霜不辭途路艱來登君子堂堂上何
巍巍棨戟樹兩旁雲楣耀黃扉虹蜺貫干將及爾
見君子和顏悅而康顧念我草澤自忘躬貂璫令
德美在中粹然著圭璋共陳風雅言正音諷洋洋
國風爲不淫小雅少怨傷三百久矣衰願君今復
倡鼓瑟聞鯨魚彈琴志螳螂麟遊表符瑞鳳舉叶
凝祥光道義苟可投金石鐫久長

贈高澹人學士

歸昌古來重知音牙曠垂譽望清渭無濁流皦日
凝祥光道義苟可投金石鐫久長

葳蕤紫鸞鳳天下瞻文章珍采被羽儀叫嘯含笙
簧遭逢休明代應運揚輝光一鳴占泰階再鳴叶
歸昌懷仁與蹈義步趾誠不常食惟青琅玕飲以
金漉漿想見游蓬萊崑崙象高岡直上九千仞絳
闕朝玉皇般裔盤卿雲天際驟龍翔

南峰欲插天北峰欲拔地錢唐大江潮瞬息千里
至西湖滿湖水遶郡流彩翠餘杭美山川賢哲從

此萃九霄耀奎壁萬里騁騏驥聲名動至尊清禁
崇祿位古來稱魚水相得無有二貂衣內府資玉
食金盤賜煌煌國史書筆削嚴大義白虎集諸儒
班馬辨同異朝進南書房暮歸西華第聖人坐溫
室日入蓮燭繼天人究精微民物陳鉅細有時豹
尾車扈從同侍衛前觀雲旂揚後觀珠旂曳往年
上謁陵橐筆隨應制功德頌長白碑版留伯濟珊
瑚綴爲簪蛟龍織爲罽天下賴衣被才人拾蘭蕙
大雅今扶輪王風幸毋替

僕本嶺海士讀書向羅浮軒轅語學仙築室臨川
丘手弄蝴蝶飛身騎暗虎遊一悞入世間坎壈懷
百憂虛名三十年有若衣蟬蛻日來列侍從車蓋
填皇州顧自愧瓠齏荷公矜琛球薦賢爲國家大
臣心休休屢得達聖聰大德焉能酬鸚鵡思隴山
翡翠生炎洲如何摩天飛雙翼得自由

贈魏青城

太陽升薇垣高映扶桑東天門爲流光古色開鴻
濛曜景于嘉禾佳氣爲鬱葱魏塘漾層波紫瀾吹
清風草木無枯條霜雪無嚴冬紀曆凡千年運會
誰能窮

季冬十二月月令建在丑子氣陽孽萌丑宮物牙
紐哲人此篤生天意良獨厚煌煌文昌星粲粲連
珠斗其南曜衡岳其西照廬阜一從歸東山蒼生
望已久寧知聽絲竹真氣在林藪
男兒在天地獨此千古名百年欲何爲祇以勞其
生惟公有文章日月同光晶惟公有功業金石待
勒銘廟廊仗區畫楚蜀懷麾旌忠孝從本原仁義
尤性成鳳皇十二律一一交和鳴不見江水流日
夕相洞滌與世爲嘉祥萬物咸休徵大笑學仙人
高論蓬萊清

上吳留村大司馬

玄黃亘天地子氣回陽春玉衡運其機節候方蘊
隆萬物未紐牙孽萌在黃鐘况乃爲炎州火德無
嚴冬旭日臨崧臺清光散羣蒙光流湘灘西光流
虎門東顧彼宇下人瞻仰同蒼穹

上居葡萄宮天下歌大平公持節鉞來百粵爲肅
清文武奉憲法小大廉且明軍民賴綏和出入如
弟兄士習歸類璧民農遵溝塍歲時一蒐苗俎豆
藏甲兵璫瑁爲朱旗孔翠爲旄旌勳戍勒銅柱千
載垂令名上曰惟公賢永爲粵金城

轅門日鼓吹入夜傳虬箭政事填丘山舉之若羽
扇從容坐鈴閣對客同芳讌撓酒金留犁泚筆龍
尾硯興酣落蝌蚪頃刻盡東絹大略驅羣才風流
軼儒彥古來推謝公今日重得見

名材出豫章美竹產雲夢天地生我時忍使終無
用如何蓬室士歲月惟抱甕守拙任沈冥陶情類
疎縱荷公顧細微風雅時見重走獸尊麒麟飛鳥
託鸞鳳請爲下里歌金石待磨礱

送李生入都

昔吾遊吳門與君始相見高秋值九月把菊長日

讌同時有魏陸幕府美才彥吐音成鼓鐘走筆掣
雷電流連爲朋好忘却節候變後來挂席歸楊梅
已堪薦去年入長安復爾深繾綣公卿共下榻館
舍同一椽君行跨青驄我出乘紫燕自君過巴蜀
予亦返鄉縣庾嶺高插雲瞿塘急如箭山川一修
阻書札何由便詎期君驅車至粵重會面日南古
交州海外素奇甸晶瑩琉璃宮翕施珊瑚殿土風
載名物所產無不遍大珠明月含紫貝錦霞爛碑
磔象車輪蝴蝶似團扇巨鼈可爲簪翡翠行作鈿
飲惟荔支漿食以桄榔麪草堂屢相過笑語曾勿

斷忽然告離別不復留顧盼冥冥舊宿雲役役新
飛雁雲猶抱山中雁已唳天半置酒臨中宵邀君
坐及旦長風萬里迴列宿明河粲明知是秣馬且
欲須臾緩我本行路人豈作兒女戀由不獲追逐
不覺懷聚散憑誰問行藏祇自存方寸京國逢故
人爲言守貧賤

送龔含五太史歸里

燕山八月節暑氣猶未退今年實亢旱秋稼農輟
耒昨宵變油雲時雨成灌溉東流到桑乾出與西
沽滙官船應潮長一旦迴旌旆大江自揚帆路與

恒岳背徒令送行者獨立飛鳥外

明明我上天日月光照臨照臨亦何爲居高鑒臣
心十年登侍從袞職愧莫任獨此向日葵可以承
帝歆天地至廣大時運有升沈拾塵惑顏回投杼
疑曾參歸去南山南種豆北山岑

君家在豐湖我家在珠水羅浮貫其中一氣五百
里山川蘊靈奧人物從此起况乃當南離星次鶉
火尾君爲鳳凰賦早獻明光裏我猶守空山閱歷
增馬齒茲來住京雒正爾執鞭弭誰知躡後塵君
已先歸矣豈無舊日遊不如我君子

李東山築園以養其母名之曰哺賦詩贈之
驚風飄高樹東西無安枝有鳥名慈鳥在巢哺其
兒待兒羽翼成長大能自飛雖則能自飛母子不
相離朝隨雞籠山暮隨邗水湄

騶虞本至仁玄獺獨稱孝捕魚祭祖宗不用鼠與
羶物情重敬養百順無一撓鮮民之初生夙昔成
胎教壯齒徒爾爲菽水不能効色奉而心違無乃
爲外貌

觀察昔邁亂羅陽提孤軍委身致社稷九逝存忠
魂夫人撫藐孤淚洒七尺墳蓼荼四十年今始安
其身子爲彥方賢母誠敬姜仁芳春坐北堂進食
何紛綸魚鼈膾鯉魚可當猩猩脣

送周維念

攜手登粵臺山勢何青蒼秋色來虎門一氣葭菼
黃鳧鷺亂漁謳海水空茫茫浮雲向東馳白日臨
平岡仰視霄漢間好鳥多翱翔羨君振羽翮高舉
還帝鄉

題查夏仲抱膝圖

查侯千秋人志尚在寥廓九州騁遠步萬物函一
橐往昔羅施遊從事開府幕才矜阮元瑜人號王

景略南雲望碧雞西日指劔閣爨書倩客求巴賚
聽人學揚舲渡湘水擊汰弔紅鄂荊州鼎沈淪洪
武砲遺落流連綴詞賦慷慨感今昨家林向赭山
蕭散任丘壑鴻鵠志將翔菽水供殊樂白華生絳
趺慈竹長龍籜此圖見生平抱膝寫寄託豐眉豎
穎條銳骨表山岳得非隆中人恐是孤山鶴長吟
繼梁父竊慕實管樂用心何獨深有道在龍夔

頌蔡忠襄公元配顧太君壽

九霞北堂也

仲冬建子月節候爲黃鐘厚德流坤元萬物資蘊
隆阿母逢令辰佳氣何鬱葱榮榮北堂萱玉葉含

紫茸鳳皇鳴雛嗜高上百尺桐下有五色雛翩然
欲凌風象服揚威儀鸞釵耀顏容拜舞紛進前嘉
慶懽和融

維昔忠襄公晉陽秉節鉞大義明君臣一死昭日
月夫人矢柏舟清操自茹蘗截髮事旣同磨笄志
難奪教子成碩儒著書抗前哲上以報明德下以
彰闕闕今日來登堂觴爵備馨潔朝廟賢公卿海
內諸俊傑千秋萬世名彤管書節烈

桐城方依巖暨元配孫夫人雙壽詩

仲呂變赤律朱明臨芳辰祥雲繞龍眠郁郁還紛

紛彷彿蓬萊宮海色搖金銀爛然映華堂佳氣回
靈椿照見雙白髮舉案同賢賓翁爲洪崖公母爲
魏夫人夫人衣青麟翁戴華陽巾階下盈百人被
服咸綵珍整翮騰天墀萊舞揚珠塵積學紹忠孝
敦睦歡懿親競上介壽觴羽爵傳飛輪樂奏東西
廂靈璫合韶鈞人生有何樂所樂惟天倫子孫旣
已賢壽考日已臻黃麻與紫誥次第承恩綸金石
保堅固霜雪貞松筠夙契阻皖粵令子歸具陳

贈王易箕新婚

二儀判陰陽天地配男女聖人制婚姻大禮於此
舉羔雁旣已行玉帛旣已具人倫首夫婦居室同
一處鳳凰相和鳴鴛鴦託儔侶

憶予甫壯歲汝祖同膠漆摘詞綴蘭藻操音中琴
瑟汝父爲新詩金玉鏘紙筆汝時始初生燥髮猶
未櫛呱呱在繡襪不識覓梨栗今來已長成二十
當受室土膏蘊萌芽春回生百物人情重新婚及
時况相得尚其謹閨房毋使嗜慾失

贈王紫詮太守

首夏氣清和萬物生意逞麥風被原隰梅雨潤廬
井亭亭雲出江童童日銜嶺離支已成漿禾稼行

豎穎舟楫環郡城民人肅衣領公堂祝太守筐篚
各有乘堂上廂樂齊階下旌旄整拜舞躬孔誠禱
頌詞非騁天長與地久不用測圭景

太守千載人高名早驚衆上天爲星辰明堂作梁
棟風雲起閭闔羽翮排鸞鳳一麾見風流五馬勞
轡控公餘綜琴書臥治絕諍訟有時登羅浮候日
波間動下界猶沈冥上方自吟諷大笑學仙人局
踏朱明洞炒藥求珊瑚燒丹事鉛汞

珠江二月時新柳綠千線送君還禎州惜別在海
甸相約遊飛雲物候當鶯燕今辰值申甫吉日開
芳讌賓客咸應劉中原盡名彥觴以羅浮春盛以
瑯琊麪興來或走筆醉後時側弁而我五百里阻
隔不相見徒然想天人駮駕蓬萊殿

觀海篇贈龔蘄圃樵使

混元自太虛大塊誰結構一氣歸鴻濛少動卽洩
漏玄黃分上下天地得相始維天一生水地二乃
在後龍宮曠真宰海屋冒宇宙豁落無端倪橫絕
失蓋覆南溟屬暘谷日出於此觀荒荒曜祝融汨
汨涵柳味兩戒窮津涯四隩納窳竇駕部持節來
汎覽悉經究珠崖洗陰墟虎門翼陽岫連山石戴

六齋堂集卷二
古
鼇蹴浪帆飛鸞鼉鼓長自鳴鯨鐘不時吼珊瑚燭
晦夜琉璃堆白晝怒或若雷發激或若雨驟闖或
若馬踏嘯或若龍鬪靜或若偃息徙或若遷就或
火色上炎或鹹味下逗或驅走雲霧或簸蕩星宿
當其信波濤萬里不可收舉外諸島夷海舶齊輻
輳向前見官長方物報左右脫帽以爲禮帶劔不
相授衣服事襍積飲食崇釘餠蘇合香作油茶靡
露成耐蠻花散金汁番樹垂鬪縷貢獻指犀象交
易用銀豆駕部柔遠人權外并寬宥島夷聽之喜
風琴一爲奏此時黃雀風五月中天候海角紅扶
桑挺然凌霞秀

吳留村制軍北歸詩以送之

大海合四維天池獨南甸西江從東來雙峽盤一
線其陽耀崖嶂其陰散湖澱魚龍安泳游草木被
紅蓓去年當仲冬冰雪下如霰雪封土囊口冰結
石壑面南人不衣皮布帛焉得煖銅餅爲汲井井
凍綆不轉炎方物生火火遇寒不變今年復亢旱
朱雀飛春先夜來觀象緯箕畢無一現郊原龜甲
拆阡陌龍鱗斷分明天告災人事何由算我公留
三城爲民發長歎盜賊久已息饑饉奚容薦運粟

古有行禁糴誠非善大人握機柄天地爲之幹誰
能負經綸忍使民塗炭比來天始雨溝壑流澣澣
牧人牛耳濕農夫秧馬亂殷勤事耕作或可營飽
飯公胡遽東歸舟楫連河岸風起揚旌旗潮平信
波瀾一時官與軍士庶盈及萬樹碑照今古脫鞬
表愚賤八年恩澤深兩粵山河晏憶昔秉節鉞開
府人畏憚崧臺控上游雄關據門限蔡戟何輝煌
鼓吹何闐咽令行迅颶風威加掣雷電賞罰各有
條邪正毋勿辨艾綬進文職貂璫獎武弁有時振
金罇菟苗寓訓練草間逐狐兔將士于此選銀盤

刺黃塵紅翎墮飛箭大臣重封疆小醜不敢煽在
牧無巨羊江上多歸雁蠻獠亦蒼生山崗皆赤縣
况當削藩鎮聖人正南眷根株雖已除枝葉猶潛
衍保無舊苞蘖依附仍作蔓公時節制初芟柞不
使延有如在金厦海國磐石奠巨鼇折爲簪長鯨
封作觀其他設燉臺要使夕烽傳苦衷爲行旅山
寇從此竄花山向阻險作邑成隴畔又如諸土司
賦性原獷悍虎豹穿入羣猿猴結成串殺人三步
弓藥伏狼牙箭撻伐徒爾爲綏輯豈無叛公爲諭
德威誓服齊舞柝戍辰楚氛訶羽檄馳四徧朝廷

出禁兵列陣成鵝鷓焚巢向金口紅廟成賀戰公
爲募死士爲粵防禦捍出其尚書俸陳賞曾勿論
白金與獸錦吳綾雜東絹皇皇社稷心汲汲生民
患國家鑄金錢天下使流貫其行若流水交易任
所便粵人在甌駱遠隔不得見公爲請設局粵餉
可給半詎爲軍儲資翻來小人訕鳳皇鳴高岡弋
者思挾彈意圖委毛羽誰識凌霄漢惟公具忠誠
惟公絕攀援皇天聖聰明不久承照鑒我生守車
轍窮巷忘困倦俗人未免嗤公獨垂顧盼往時過
幕府金醴爲設讌陳以翡翠牀滌以琉璃硯搗以
綠沈管一一題蔽扇更爲治北裝書策得所獻幸
升白玉堂叨侍承華殿疏乞休沐回獲與公周旋
如何賦赤舄趨朝不容緩長江遠追送夜雨寒漫
漫更闌尚剪燭不寐愁待旦

送朱漢源歸桐鄉次留別原韻

閉戶從春來梅花壓牆角雪色光稜稜鐵骨立嶽
嶽有如狷介士偏畸見卓犖氣定神自森性高行
必蹕鳥靜爲林幽魚肥因水濁俗情競趨走吾獨
緩躑躅此意得今人千載未云邈朱君來桐鄉過
我草堂數風流著文采太素存古朴荔枝與徧嘗

雞頭憶初剝洪鐘在猛簾扣擊驗所學明明荆山
珍生成不須琢王風起衰靡大雅事揚權長嘯天
地間宇宙猶齷齪青簾下白舫玉轡控黑駁言將
返茗霽萬里入北朔窮交戀朋好惜別心屢爆春
江厲波濤堅冰正析潯水上珊瑚枝贈行爲君劬
去矣乘風雲大人方吐握相送臨花田微雨昨夜
渥

壽陳仲夔北堂周太夫人

松湖水浸灌上與天河通江漢朝宗來氣象吞鴻
濛水族有萬千鱗鮪魴鯉鱖躍者無凡魚點額成

飛龍湖邊萬株松蒼濤拂清風笙簫入湖屋儼然
扣洪鐘榮榮萱草花絳氣生紫茸粲粲在北堂光
輝照簾櫳堦下五色雛翔集高梧桐

八座爲夫人皇天眷有德夫爲帝納言子爲帝簪
筆更多廟廊器一一瑚璉質堂前植雙桂大半成
桂實黃雀銜花來報德詎能畢梅花白照眼吉祥
兆虛室西池鳥書至爲道長生術弱水乘飛車蓬
萊但咫尺

壽申菽旆北堂茅太夫人

東南具區藪吳都宅其半霽溪從西來灝氣同滋

灌玉水流雲英璿源合冰泮煌煌一婺星耿耿當
天漢皎如明月輝蔚若朝霞爛流光入樞斗奎壁
爲之貫位次紀建牛歷元不可算

開春上陽月淑氣來嘉祥土功德媪神百卉滋繁
昌萱草垂三花朱萼含芳香孫枝秀銅池金薤綴
琳瑯阿母何歡娛高坐在北堂祖爲百揆尊子爲
尚書卽象笄映龍綃萊舞紛繡裳羽爵堂上陳樂
奏東西廂三吳數閭閻甲第誰相當

我聞瑤臺端王母稱窈窕戴勝怡妙顏虎齒而善
笑出入麒麟車飛景開光曜青鳥貽書來與母陳
道妙上元魏夫人復下南岳嶠鶴蓋聆靈璈霞旗
指叢霄與母象外言七元備玄要何當八千春一
比桃花少

送楊勉菴北上

維南有香山七宿相纏連中有蓮花峰其下出藕
泉美人飲泉水顏色成芳鮮皎如朝霞升波漾芙
蓉妍逸態何便嬾修眉自連娟東家學倭髻西家
學鈿蟬斗帳施紅羅玉牕搖金煙吉日承蹇修嘉
禮成良緣良人惠前綏間關爲車牽出以玳匣琴
拂以朱絲絃一彈秋鴻飛再彈春洞天

西北多佳人不如南國姝蛾眉聚傾國皆讓天下
殊首耀金雀釵耳貫明月珠前後何所見紫囊綴
茱萸左右何所見雜佩鏘璠璣湘綺爲下裳錦綺
爲上襦明詩與習禮淑德馳令譽聖人坐掖庭充
者皆閭媿佇見召後宮貴盛在須臾

城南公讌詩

并序

正月二十九日川南觀察王紫詮使君招同袁
休菴通政史蕉飲庶常王令詒明府史萬夫明
經岑霍山陳元孝王蒲衣廖南暉處士藍采飲
山人陳獻孟曾秩長梁王顧茂才雅集城南官

齋觴讌之餘各賦詩以紀一時之盛

天地爲門堂人物塞其內今古成往來時序互遷
代佳遊續城南高唱屬吾輩上春日寅蟪午夜月
朏晦燭光吐鴻濛星影落破碎長筵間絲竹列坐
却車蓋辨同三耳臧賽作五家隊中腸築詩城側
弁忘酒會羅籠創宇宙開闢尋草昧琉璃嵌積雪
沙內含紫貝或尊若朝廟或蕭若冠佩或森若武
庫或竦若華岱或雜若玄黃或雕若藻纘或離若
隱見或合若妃配或輕若飛行或重若負載或寬
若用衆或嚴若割愛或勇若赴敵或恬若求退或

櫛若鱗鱗或朋若兌兌或上抗兀兀或下墜旃旃
或險拔鯨牙或空騎鶴背牛觸明破齊鵝鳴暗擒
蔡萬有極變化一氣歸淘汰所造關神明是處振
聾聵羣公誠升堂予也猶戶外不能奪蚤弧徒然
奉盤敦音確

爲王母朱太夫人貞節賦

母系出崑山年十七歸平仲先生廿四稱未亡
人下撫藐孤上奉翁菽水凡三十年子素巖始
登第入史館以貞節聞

清霜厲苦節白日流無光肅肅閉簾幃冷風吹衣
裳黃鵠成單棲哀歌摧中腸盛年適君子八載稱
未亡有姑先黃泉有翁尚在堂何以薦魚菽解却
雙珮璜何以奉馨潔脫却明月璫視息撫藐孤教
養同敬姜果得成令名斗宿居文昌般裔騎孔鸞
駮翳朝玉皇蘭臺擅制作洪鐘鏗喤喤茹荼三十
年一旦爲表揚棹楔樹烏頭絲綸煥龍章風烈昭
管彤閨門植綱常

家世媿虞魏崔盧未能匹銀黃耀鄉里累代垂朱
紱玉峰結瓊蕊蕙帶被蘭質頡頏我良人相對理
琴瑟明詩與習禮佐讀勤紡績願言偕白首誰料

中睽隔君家有父翁生事何敢失歿成孝鵝塚松
柏蔭廣陌兒生在襁褓所望報明德磨笄志已完
截髮事非一燕翼得後人上帝實陰隲幽潛一以
鑒明明見天日嘉慶盈庭除拜舞雜黼黻烈爲青
史書德載黃裳吉

送趙秋谷太史歸山左

窈窕天上雲萍渺八極遊朝從蓬萊山暮宿崑崙
丘變化旣不測卷舒還自由爛熳扶桑霞相值臨
滄洲鱗鱗見溟渤巘巘升羅浮仙者五六人大小
二石樓笙鶴交好音松柏盤翠虬雲兮本高天山
中寧久留終焉薄層霄星漢當奎婁

神京應紫微帝居敞金闕公卿效趨走車馬日填
咽君爲侍從臣弱冠特超越鴻文出巨手史冊揭
日月衆女妬娥眉芳草鳴鴉鳩誰知點墨蠅愈映
寒池雪一笑還空山高臥長薇蕨東遊賦觀海南
行志適粵而我處里門得承枉車轍長談苦晝短
續夜愁燭滅中心如驚濤尚恐告離別

川南觀察使守惠相期久萬里遠致書鯉魚竟虛
剖臨當擁旄節天外還矯首臘殘覩稅駕共剪春
前韭故交戀同心新知樂攜手閒來一賦詩興到

卽飲酒有時訪山僧證性及茗帚磬聲寂聞見世
事忘八九人生有何常所貴在不朽維昔排金門
于今聚林藪天地至廣大世人自枷杻誰能貌衣
冠拱揖隨木偶

春到氣候和景物自駘蕩東風二月來城南百花
放燕乳初吐泥魚兒細吹浪虎門值新雨一夕風
濤壯拍天雲陰霾崩峽石芒碭晨興見澄霽郊野
始清曠官船泊津口逖杳陳祖帳吾曹擬相送小
艤遲隔岸連連蛋子搖緩緩珠娘唱情意殊未申
擊汰慨以慷沿洄幾疊浪頃刻千里嶂柳葉暗遠
林鷓鴣藏宿莽後會夫如何朝臺但高望

送劉省菴銓部主試還朝

平生慕交游冠蓋盡四海常恨遠古人不得共千
載天地玄與黃開闢非草昧詩書當肴核道義爲
甲鎧誰知雲韶音填篋入其內黃鐘發潛萌大呂
求匹配春雷百卉圻萬物成灌溉桃李自不言東
風笑相待修幹挺華林寒崖一枝在君持日南節
我秉田間耒十年爲弟兄相見翻感慨執手誠後
時且喜同友愛

太華金芙蓉三峰半天削傳是巨靈掌豈有神禹

鑿日月背後生黃河一邊落箭括通天門龍首盤
地絡時聞上帝觴中有叔卿博宰世爲大人篤生
應喬嶽懷文耀黼黻出匣露鋒鏑弘璧珍明堂攝
提夾大角權衡準周官司祿及匠作早朝蓬萊宮
暮詔絲綸閣傳車望南溟秣馬辭北朔呈材任規
矩斲輪非糟粕

炎州信南離火德應柳味斗魁戴六匡牛女次在
後當時盛人文草野皆繪繡自從喪亂餘百物陳
雜糅細帙失甲乙刀稍列丁戊有誰識衣冠無復
推孝秀我 皇一車書天下開薪樵君持玉節來

較士量入穀造車計輪輻架屋論結構琉璃鑿晶
瑩冰雪辨刻縷噲吟考鐘鼓釘餽絕俎豆尺寸求
珊瑚經緯羅星宿魚龍嘯奔騰駿馬快馳驟明鏡
懸日中燭下尚經究所重在得人用心良獨厚
黃鵠一高舉千里不可知斥鴳捨榆枋飛鳴待何
時臨當送君行黯黯難言辭徘徊江水深仰望天
四垂我舟列漁樽君舟揚蘭旗笳鼓疊中流瀾濤
漾文漪芳草沿汀洲過雨滋棠梨憶昨同宴遊徵
歌列吳兒蕭寺尋高僧賦詩并彈碁詎意成參商
此樂不可追雲帆挂青山倏忽隨風飛鳥道臨臺

關驅馬更度之而我事春耕徒然把鋤犁

王令詒歸雲間卽北赴銓補賦六章爲別

八月天漸涼山中滿秋氣蟬鳴抱木葉黃落已三
四海門湧潮來縱如馬脫轡張帆向高風潮長風
得利我居在湖上蒿苴半畝地灌園方鋤瓜力困
一假寐君來疾出迎巾舄忘倒置誰知是作別語
坐且申意匏樽無醇醪素盤寡滋味亦肯爲我留
屈指天下事不覺湖月升流光遍荷菱

君宰潘州時一月幾通札擎雷市葛人大廉賣珠
客往來語新政到處承德澤教令數十條風俗盡
變易雀角絕爭訟豕牙銷盜賊諸生習講禮小民
知讀法戶闔絃歌聲雜滿桑柘柵詎意子產仁翻
來仲尼厄陰雲霾中天白日忽着黑聖明燭幽隱
四照窮八達金鏡在瑤臺蟾蜍豈能蝕去矣朝紫
庭神鸞施綵翮

平生曠歷覽所樂惟山川解綬入循陽妻子同一
船寄跡白鶴峰四顧天茫然蝴蝶如車輪飛來羅
浮巔撫弄不去手取適在目前自署玉局吏人擬
我眉仙豐鱷尋二湖官橋相勾連野僧住黃塘山
鐘叩湖煙時登合江樓唱和高前賢風土復有記

巾笥盈百篇忽然泝廣州歸思赴離絃疋馬臨臺
關鳥道天上懸

二年官南巴今日歸東吳家住在松江門對薛澱
湖菜有雉尾蓴魚有巨口鱸鱸魚入蓴羹肥膩勝
醍醐遶壁搖瀟湘捲簾開畫圖好友時過從往往
至日哺叩問如洪鐘咳唾皆玉壺况有湖中田油
油浸青蕪秋熟收蟹稻夏至輸菱租除却里正來
心上一事無還將飾羔裘風雪入帝都

帶我切雲冠山中夢金殿老馬久在槽仰秣難逐
電君今入幽薊馬如一匹練融融雪作泥獵獵風
吹燕數年綴文藻持出可易緡封禪書未傳甘泉
賦先獻我 皇靖邊塞生民免塗炭燕然勒石回
郊廟崇璧薦釐定諸樂章協律思審辨帝嚳歌九
招雲門舞六變看君日奏對聖人屢稱善從此承
明廬謝却菜蕪縣

颯颯烏柏樹冥冥青楓林汨汨江水流莽莽層雲
陰一片地上霜一帶城南砧一線屋角月一絃壁
上琴不言泰山高不道黃河深不隨斥鷃飛不共
王鮪沈買絲結縞紵剖竹爲盞簪酒味如砂糖香
氣同鬱金高天引雁翼大海迴龍吟經術本自古

出處匪獨今送君臨津亭笑指苔與岑尚有萬里
書寫我京雒心

題張母陳太君旌節圖

張解元遠北堂也

紅蕖拒秋霜女貞冒冬雪坤元蘊母德淑質厲苦
節笄年適君子兩載忽決絕琴彈寡女絲鏡掩顧
兔月維時值饑饉喪亂幾摧折支持舊門戶弱植
心力竭堂上有老姑孝養備馨潔笄髮撫孤雛栖
巢儼丹穴流黃佐膏火金薤陳卷帙果得成碩儒
姱修繼前哲詎期感風木母子復永訣高名上春
官追憶反泣血幸有賢當途幽潛表芳烈臨當送

會葬冠蓋交填咽松柏蔭廣陌馬鬣樹碑碣請爲
昭管彤史冊垂不滅

題張後村垂釣小照

秋空蕩無雲湖靜拭如絹三萬六千頃浩淼成一
片魚行在湖底鳥飛沒不見槭槭楓葉鳴獵獵蘆
葦亂先生坐垂釣耳目隨眺玩有魚與無魚得失
非所戀似嫌網罟密故使釣竿緩神與造物冥悠
然道心善

舟行自三山海還珠江道中作

舟行入夜昏四顧無一可江長畏波浪溪曲妨柵

鎖漁歌杳送人風勢橫向我是時冬未深十月寒
已頗未有狐貉溫且用氈裘裹隨行兩三僕數問
何處所前林一點青知是遠村火
海氣已寂寞忽聞波濤鳴不是風雨來恐有魚龍
驚把燭照總暗推篷望微明稍辨沙際鷗始覺天
上星向空但一笑顧我何所營閉戶且知重乘舟
毋乃輕江柝轉高岸歛然感殘更

送秦屋山歸河東

病來臥空齋始悟攝生理寂寞歸神明風簾動牕
紙故人返三晉欲送難強起浮雲擁車蓋白日曙

濛汜何苦蟋蟀吟牀頭亂心耳

高柳鳴疎蟬遶屋紛荔枝晶盤堆赤玉觴讌芙蓉
池昔者春載陽今來當夏時羲和騁六轡一往不
可追俛仰驚節物感歎增別離

小人工容色君子崇篤實文章爲國華立身乃道
德至動靜則存吹萬理惟一偃師忌淫巧輪扁厭
糟粕不見蒼天高太虛表其質

太行俯河東西北連大路黃河撼砥柱倒入茅津
渡君行歸翼城丙舍對墳墓回首望嶺南番禺遂
成故豈無雁門雁秋日來尺素

答周大樽

代小史紫茸作

捨舟登江樓落日綺疏千扇白布帆一片鳥翼
舒可憐大小湘不報尺素魚念君富文藻高名過
應徐以此枕簟施屢遣魂夢虛終上琵琶絃抱見
明月初

答吳承雲

代小史紫茸作

金缸銜翠幄桂席終夜張進酒每三爵含桃寧一
嘗送笑未敢言流日時相望露滴連珠圓月吐百
寶光旣聞阿子歌亦賦白石即行魚方泳游歸雁
將翱翔蒲履與桑屐繫絲存中央

答陳獻孟

代小史紫茸作

么鳳銜桐花不覺毛羽光翡翠集蘭茗有時相翱
翔誰似白玉鸞飲者神漢漿大音鳴洪鐘小音吐
清商安用五色肝照此百結腸恨不爲飛鴻側立
珠樹旁咽咽抱葉蟬動予中心傷

日月不合璧安能同一光衆鳥不亂行大小各自
翔君子常釣璜小人常賣漿操者中南音和者誰
西商感君意纏綿轆轤翻中腸結想爲井瓶待汲
井口旁茹藥已心苦含玉定肺傷

玉冰在古井百尺亦有光神馬行鴻濛八極無不

翔不信濁水泥可比雲英漿師曠善審音鼓宮反
應商蠶絲滿腹中蟹筐偏無腸甘瓜生園中苦李
食道旁采采及葑菲毋以下體傷

文魮抱玉鳴燭龍銜日光鷄子日向波白鵠舉手
翔神皇飲天酒不酌石乳漿乙鼎欲問周庚鼎先
求商豆蔻既有心車輪亦有腸金石歌室中銅鞮
唱道旁三疊宛轉歌毋使五內傷

閏七夕後一日集蒼荀樓同潘稼堂張損持
分賦得石字

微涼扇秋閏再覩星河夕曉來朝氣清逗出疎林
隙郊原飛蓋臨山院蒼苔積午鐘才一鳴高僧作
中食醍醐悅禪味花藥侵講席羣公善詩歌十笏
留墨跡樓頭豁遠眺天宇澄空碧那知返照來但
數歸鳥翼荷風暗襲人蘭湖激幽石

贈朱彥則

庭柳秋後疎新月照有餘念我同心人懷抱不得
攄殷勤託夢寐阻隔鮮尺書今辰值良辰爲客當
何如聞有賢主人其樂應徐徐美酒酌鬱金嘉肴
薦鱸魚醉後一俯仰天地皆吾廬

君負經世才海內知名早寂然守空山不覺今已

老平生廢蓼莪沈痛想天造寧爲石上松不作樹
中草嚴霜會蕭殺百卉盡枯槁往時入滇南西出
劔閣道詩歌雜巴渝風俗記蠻獠此來客炎州與
我通世好忠孝誠不磨金石自永保
黃帝升鼎湖遺墮烏號弓衣冠葬橋山隧道將誰
從草澤埋姓名先臣抱孤忠君也爲臯魚泣血雙
眼紅霜露感宿草元宅封五茸白頭在天涯逢秋
向西風誰能貌丹青與我昭管彤

禳詩

有序

予生命立午宮曆家云五月初三日有計星夜

入於戌又與子宮對照是爲子歿作詩禳之

仲夏月始交朔越有三日我生在南斗朱明耀陽
德人言屬午宮計當夜入戌子宮復明明相對還
相勉我聞一浩歎星象誠不測大人幹造化小人
懼災厄天運雖推移人理可探索譬如人一身孤
子難自立忽然值扶掖風雷就掌握又如車有輪
又如水有宅土積山必高木翳林必密金出鑛而
光火炎上而發昔曾聚東井亦有退熒惑紫氣尊
太微黃氣麗格澤我方爲汝功汝豈爲我賊中宵
事齋戒仰面陳肝膈計星勸汝酒河漢昭八極歸

汝舍與躔離我畛與域令我安神明吉祥室生白
答同年沈南季太史見貽之作次原韻

君從吳門來騎着一珠鶴潏潏無十洲突兀小五
岳升高耳目換望海波濤作風雲氣揚揚星宿胸
落落遙情絕根蒂名義芟郭郭時當風送秋眼見
天盤鶚援琴彈清商抽劔出霜鏐訪我湖中人登
我湖上閣紫翠堆畫圖鴻濛蘊丘壑稱詩枉推許
引譽滋愧忤聖賢在陶鑄學問乃糟粕肝肺何處
深膠漆久已託離緒積乍展征鐸鳴忽覺吉行戒
南檄遠道仰北朔恭承玉皇詔誰假陸生橐載筆

趨承明聽鐘候長樂應憐老空山著書守寂寞

送魏水村歸武塘

我雖在郡居終年掩柴荆花木羅前庭春落夏復
榮以此得自適他事寡所營客至忘主賓客去少
送迎有時仰天笑不覺日月征老貌幸未衰瘦骨
長孤撐五嶺隔中州四海通南漠故人駕短轅訪
我來三城欵欵話夙昔綿綿據中誠許我具盤餐
將我久別情有酒羅浮春有魚鬱水鮫有菜仙湖
蓴有飯芙蓉杭野味絕餽釘高談紛縱橫今古爲
括囊丁寧如錚鉦言告白布帆江上懸蘭旌鴛鴦

湖中還沙禽聒聒鳴楊絲繞水邨蘋葉搖前汀應
有秋日書報我遊帝京

祝同年錢蔗山明府

峩峩寶安城燭燭珊瑚洲遠瞰雙虎門高挂二石
樓自昔傳名區發源羅與浮洞雲闕太古海日懸
清秋真人在其中玉皇通上頭幾時登蓬萊暫然
憩丹丘一坐消萬劫四環小神州不見葛稚川姓
名至今留

登一作朝一作升

君爲文昌星斗魁自戴匡泰階表六符薇垣昭三
光左右傍日月黼黻宜袞裳一行試宰割毋乃非

騰驥利器空在掌大材不架梁制治有本根濱海
如雄疆其首安魚鹽其次調耕桑諾諄息里閑絃
歌滿宮墻德化比榆次清潔同姑臧

官閣秋漸涼疎風入牕牖公餘展暇豫紙尾判八
九時薰女兒香一酌葡萄酒衫袖拂龍唇俸米供
鶴口佳辰日皦皦嘉客人某某投贈滿箋緝謳祝
遍林藪承露注銅盤搗藥出石臼而我持素心相
望在不朽

贈魯雪堂

金鳩能食龍遊戲昆明池雙翼如崩雲日月虧蔽

之當其摩蒼天五色天上飛以此見神力厥大無
端倪上帝之所生百鳥安得知丹山有神鳳亦爲
天地私黼黻備苞羽音律中雄雌其出關帝王瑞
圖應昌期一鳴在虞廷一鳴在西岐晨夕蓬萊宮
騶駕皆雲螭儼人於其倫君實奇傑姿吐納河漢
流顧盼輕虹蜺遠慕初古人上述軒與羲風雅捧
玉敦追琢揮金椎摹刻石鼓文探索神禹碑尋我
城南垞一卷爲我貽白雪照衫袖靈泉清心脾大
雅追文王騷怨續楚辭諷詠雖自託鼓吹良用資
側聞將北征駿馬從風馳整轡出蒲梢升高立槐
眉奉以天子觴進以黃竹詩世人局宇宙所處忘
自卑縮似熱地蝗動若雄荆雞未出一尺高飲啄
相羣嬉君視應大笑豈能稱儀儀請爲賦卿雲拜
手揚天墀

送毛青茗司訓惠來

廿年讀父書今日爲世用祿米雖尚微名位殊足
重人倫奉周孔齋舍列絃誦時尋魯壁經或擬奚
斯頌璧水藏蛟龍首蓓集鸞鳳終冀騰天墀明堂
作梁棟

少小能屬文五色雜纂組跂蔚露鐔鍔高明寫懷

抱今來已壯夫汝壯吾亦老通家有孔融後輩得
袁虎去矣爲師儒宮庭考鐘鼓

斗匡居文昌皎然當天中大雅縱淪替吾道原尊
崇何用見儒術禮樂端厥躬抽帆入三河路指東
江東正值瓜蔓水上映旌旆紅

有贈

君從餘杭來遺我桐巖詩展開遍冰雪照出光琉
璃其中成波瀾或乃盤蛟螭靜覺星宿動仰觀河
漢移儼然在空山獨立無人知俱爲靜者言誰識
英雄姿緬彼鶴上仙日張太霞旗而我援素琴所

彈山柘絲想見太古初牙曠以爲期

初夏締綌幼女慶身無完衣詩以誌之

小女才十歲聰慧已知學翡翠爲橫釵蜻蜓結丫
角持花向清鏡聽燕語紅幕汝父爲貧官石田少
收穫汝母撫幼弟機杼忘織作今朝換締綌令汝
衣裳惡雖則衣裳惡猶似雪澣濯豈無吳白苧亦
有越黃葛一到迎秋風依舊感零落

夜雨偶作

夕陽未沒湖秋氣已入屋微風上齋閣疎雨落庭
竹默坐共無言持燈照幽獨

將至羅浮望四百峰作

大化豈有本我生幸同時先天與後天相望一間
之精魂貫北斗神室開南離朱鳥導我行前綏抗
雲旗仰見四百君靈瓊吹參差啓靈華鞭龍
號雷師更引謁上帝稽首伏丹墀靈十
歲以爲期方朔在世間攀弄扶靈

羅浮

祝融司南溟耀真挺靈嶽麗離判靈雲
靈鴻濛自包裹天地盡郭郭曩曩靈陽不
能割風雷行中虛日月生兩角靈金靈鏤靈繡

施巖壑上帝之所居羣真此棲託黃麟任駢駕玄
鶴恣寥廓時現五色雲儵降九霄樂高極連岷峨
大哉配衡霍嚴冬少朔雪暄景載山橐冠嶺環朱
堂明霞冒紅幕鐵橋路橫亘金柱日廻薄三峰上
界空一髮中原各羽翼游青冥聲臭絕玄漠吾將
背吾鏡散髮面豁落

初入羅浮登華首臺伯塵公精舍

誰知蓬萊山今晨於此見割來自左股飛出向西
面峰形宮闕敞谷口陂陀斷折行類曲阪倒掛同
絕棧初疑路難度久躡步方展鐵壁截數重雲崖

劃雙扇諸溪疊相應奇石坐可選萬松夾疎竹一
逕入深院時當冬氣嚴反覺寒色淺解衣卸紅麝
投策染蒼蘚夕陽銜後山遠燒掣急電夜聞僧扣
鐘客心冷然善

華首後山東溪

曉起臨東溪霜氣清濛濛殘星落溪水松柏來疎
風初聞噪寒禽久知寺角鐘溪側一釣臺相映崖
花紅其上通天巖疊石盤高空中見蝙蝠飛不辨
西與東須臾日始出幽翳豁遠峰眺聽任耳目清
泠蕩心胸又將振孤策雙瀑尋黃龍

遊黃龍洞

生烟遠瀾漫蜿蜒雙白龍歛爲千丈虹挂向八九
峰崩厓噴冰雪黑洞鳴雷風鳥道天上盤登棧筋
力窮道人一間茅當日劉王宮假夢升黃屋僭竊
非英雄引酌流杯池大笑驚蒼穹其下洞門戶黝
石寒花紅少憩景亦殊雲來若浮空坎窪闕玉泉
溫火蒸鴻濛山氣爲我春節候不覺冬於此領真
化萬物同和融

望瑤石臺雲母大小石樓

四百青芙蓉初日破煙曉我身無羽翼一日焉能

了瑤石散鸞采影與虛空
杳石樓絕根蒂雲霧半
窈窕誰知紅翠飛飛入天表

冲虛觀

天人怪我癡謫向人間
世青年不自寶白髮忽相
繼垂老投道宮叩額謁上
帝精誠貫神明齋沐去
形穢羣峰儼齊揖百神互
環衛旛幢滿風揚松柏
深日蔽昔在晉宋時秩祀
有常制玉簡宣祝釐銅
魚告埋瘞真氣長往來歷
代幾更替我 皇重懷
柔每歲崇望祭行將配嶽
瀆不久致珪幣道人坐
燒丹冠結蓬萊髻一别上
瑤壇鐘聲送搖曳

朱明洞

琳宮禮玉晨窈窕入深洞
丹臺架峰頂仙氣溢雲
棟其內日月生其外星辰
動草積碑尚銜土封洞
無縫至化寧有倪太虛不
藏甕悠悠在三天長風
任乘縱麻姑佩紫霞玉女
騎紅鳳邀予泔沆遊匏
瓜向予弄

贈杜鎮陵鍊師

先生得道者虛空見清曠
天門開蘇林星辰落方
丈庚申夜常守子午陽當
壯心凝水火交骨屹山
岳狀丹鉛鍊時日藥物珍
秘藏爲我論養生引義

人玄暢領畧在無言寒梅滿壇放

冲虛觀贈張道士

用韋蘇州寄全椒山中道士韻

濛濛太古雲留我世上客紅泉映玉沙朱草絡幽石道人煮香飯相餉至日夕明月下西峰樵歸斷行跡

宿冲虛觀

仍用前韻

不知天地間何處有此客逢山便大笑想臥一片石銀河浸散髮蕭爽薦終夕舉頭見燒香仙人下無跡

寶積寺

隔洞聞霜鐘隱見樹相接四山垂綠厓一峰落紅葉孤寺紅葉內登陟衣屢攝磴仄學鳥飛雲閒向人摺高僧昔棲隱此地出萬劫錫杖振寒巖神泉注圓月松杉照巾舄冰雪薦齒頰藥池半池水洗眼光欲燁相簇如車輪藥叢見蝴蝶夕陽當返照野燒吹獵獵

五龍潭覽藥槽藥臼諸勝循潭曲激湍亂石

上水簾洞

龍潭不與雲窈窕特幽絕上有三疊泉噴出萬古雪照人似照鏡弄水卽弄月道人過采藥往往執

絳節狀流注槽白滋藥時一洩前行繞潭曲亂石
屐齒啣陽厓隔丹梯陰壑嵌古鐵水簾跨青虹削
壁四面撇平時挂千尺冬日半冰折回看日射潭
金沙互明滅

尋梅花村賣酒田白鶴觀遺址

昔在梅花時飛滿綠毛鳳酒田有紅釀臘月出新
甕彈棋閉深院客散絕迎送如何着屐來一帶霜
烟重落葉上衣裳空山託吟諷

贈天台子

久爲山中人早識我非我不死在谷神寄生實蝶
羸有形卽有役舉動無一可日月兩飛車天地一
旋磨清虛獨亡象真氣長自裹道人天台來羽節
飄婀娜方瞳耀眉綠玉角充鬢左覲面曾禾深隱
語驗已頗遊戲搏黃土頃刻成丹顆授予繫衣帶
謂可却么麼告別朝峨眉去鼓湘江柁大峩滿聖
燈矯首雲中坐

訪崔紫霞真人燒丹遺址

大道無津涯至要中可秉含爲象罔珠駐者內外
景真人紫霞子道骨森自挺觀化無一塵遺宅尚
四迸靈氣上颯飛仙雲下垂影青童伺玉炁白犬

守丹鼎天地於此分山川遂成永其旁棠梨溪其
背鳳凰嶺覽睇想屢結杯酌朋合併返照臨東城
鐘聲隔城冷

端江晚發舟中抒所懷

揚帆泝風潮側柁過石瀨夕陽照城郭雙塔劃內
外星列天爲森月出峽始大經歷非偶然所得良
已泰悠悠清夜徂霜華落襟帶

葭菼一片黃漁人半江斲猿吟谷自答鶴影風迴
旋夜行戒川長秋杪苦日短船頭水蕭蕭船尾沙
纂纂如何未浹旬歸思勞輾轉

人生託天地耳目及手足誰忍塞聰明自取填嗜
慾謂乘鳥泝養反駕牛轂鯨我家半間茅秋日一
園菊念此常不眠孤舟坐明燭

明朝妻令辰小女久齋戒延僧十地果供佛三日
拜瓔珞垂寶幢琉璃徹香界散花至接膝大海行
納芥子亦通至誠金剛求不壞

釣魚臺夜泊

平沙突孤嶂崩石欹樹杪樹勢爭攫拏石根插空
森前瞰江面濶背指村煙小夜來霧氣深徑仄屐
迹少江星四搖動地竅迫窸窣稍聞魚筏流未見

竹竿嫋林燈對涯泊人語孤帆峭忽聞舟過灘玉
峽出天曉

十八灘

灘勢如長蛇二百里曲折乍行互沿轉稍入卽滅
沒谿訝露石根瀕洞穿水穴水色變昏旦沙礫起
凸凹盤渦戒北趾赴壑妨石齧當其奔雷霆頃刻
蔽日月天輪無時翻地軸自古裂灘神示靈異水
怪太瑣屑所行僅綫縷公然作棖闌龍吟頭不廻
鳥過目忽瞥愁雲兩岸伏積雪重陰結牽舟類銜
索險厄同鎖鐵忽然見長江山川盡光悅

破船

舟人駕紅船取給在官吏姓名隸入官驅遣隨所
至駕者如傳舍後先互更替其船始完固後乃成
敗壞我來坐船中十日不一視賦性實疎懶兼畏
求瑣細昨行十八灘風順頗得利遭逢下灘手險
惡能却避蛟龍露牙爪魚鼈恣澎湃捩柁任四飛
揚帆但一氣大哉河神功旌旄降虹蜺神靈颯英
爽人力豈曩曩詎期入江內船破難得濟檣竿見
摧折縴縴行不繼循船訖首尾決裂尋丈許意惟
釘與灰或可聊救弊船亦無所蓄竹木且不備雖

然塞綿絮終久同棄置船上行波濤鳧鷗共遊戲
夜來看船底星月光纚纚平生寡驚怖至此防失
墜呼僮探船水夜起凡百次何時始棄船登陸投
店肆土壁布几席書帙陳次第美酒沽玉壺入夜
謀一醉燈花報歡喜安穩牀上睡

分水龍王廟

兩山垂斷崖中有澗水濺噴來作傾湫飛出割波
面南北成異流上下劃一綫誠哉水府尊赫矣龍
王殿神飈翠旗卷赤日朱帳炫維王負忠烈在宋
值昏墊天日有明誓黃河示靈現今皇祀典昭往
代牲璧薦我行自鮑丘經過沂淮甸大江去揚舲
更乞長風扇

經東阿懷陳思王

北河無順流風來忽奔瀉清晨達東阿日出光未
灑昔在陳王時此地盛車馬城堞連魚山宮殿露
鴛瓦笳簫樂游讌賓從會風雅人代一以移歲月
不相假我來訪陳迹緬邈千載下狐狸嘯荒塚禽
鳥飛四野長歎分古今浩歌付嘔啞王風日淪替
誰是知音者
黃星自天應黃龍向譙見老瞞執漢柄子桓受漢

禪氣數當鼎分諸葛早已辨王躬被袞冤功業欲
一建志復吳國仇識料典午變陳情請自試不得
效尺寸賦詩抒懷抱飲酒託荒讌身世常憂危榮
祿非所戀三讀然豆歌哀傷淚如霰

病中答博問亭東臯坐雨寄懷次原韻二首

渠柳絲尚黃園瓜已沈綠雨頽花謝靨風動池碎
玉幕簷簾影垂琮琤竹聲續新詩起我病展向屏

風曲

容成吾本師修煉骨髓綠一身如堅金少病試燒
玉游魂任忘返舉念隨斷續誰知聒耳來漁歌潞

河曲

久不到博問亭白燕栖戲東以詩仍疊前韻
霽日朝氣澄鉛華井波綠蘭林倚孟珠紈扇侍小
玉鳥以共命憐詩因十索續老大病相妬自製懊
儂曲

立秋前二日同張損持狄向濤小集漁洋先
生信古堂用清波收潦日華林鳴籟初爲韻

時予將歸嶺南

久雨厭暄濁新霽開神明一登大雅堂議論高廓
清引酌更舒嘯習習涼風生

紅魚漾文藻遊戲穿細荷新水注玉盆鳳縵生微
波觀物欣有得不樂當如何
吹萬準四序羲馭無時收哲人入其內所貴在自
由新策犁眉駟舊乘烏犍牛

晴雲入鮮飈廣陌消積潦二屐歷階級分曹列堂
奧跼踏者爲誰從容卸烏帽

伶倫善審音古樂久已失我公調陰陽鐘律協今
日那知草間蟲處處吟蟋蟀

此席同靈山登者惟寶華金色迦頭陀微笑披袈
裟取證在卍字十地徒紛拏

公云吾輩此會儼然靈山一席未散

崇蘭蘊幽谷茉莉攢高林芳意達人懷香氣隨日
深側想對齋閣花下翔神禽

長安百萬戶大半砧杵鳴良會無常期忍重聞商
聲商聲非不好感動孤鴻征

暑退秋便來落葉一聲大北方地早寒土囊激虛
籟隱然見西山爽氣襲襟帶

醉飽大官饌底用思鱸魚念我昨遠來不敢忘遂
初持此別故人歸讀千載書

視劍

匣中三尺鐵土蝕繡花冷十年不一磨雙眼幾曾

省夜來燈射壁忽吐光罔罔幾疑龍騰梭宛若蛟
出井平生寡恩怨萬事向衾影未逢瀝肝膽敢問
濺頭頸昔聞漢赤霄亦見吳盤郢王霸之所資英
雄各相逞而我服儒素巾帶慙未整驅邪莫如心
守一惟有靜長劍佩陸離諒非道所秉

題漁洋先生蠶尾山圖小照

并序

山在兗之小洞庭湖中唐時東平太守蘇源明
讌濮陽魯郡濟陽諸太守於此又源明自太守
徵入國子司業須昌外尉袁廣載酒於回源亭
由回源東柳門入小洞庭令歌者奏宿鼓汶簧

為樂各紀以詩甲子冬漁洋先生奉使往祀南
海經過此地值大雪瀰漫遠眺蠶尾隱沒湖中
徘徊久之歸而圖為小照自序顛末以誌寄託
一時海內風雅之士僉謂公處高位而有超世
之志美而誦焉

延延蠶尾山巘巘浮空明纖纖媚娥月灑灑升太
清忽如美人鏡飛落小洞庭鏡匣露孤髻鏡波流
光晶又如琉璃宮倒射天上星一氣瀉水銀千疊
堆瑤瓊鵲華高門堂充鄆交重局古時觴讌人幡
蓋於此停宿鼓鳴靈鼉汶簧炙鸞笙今日得我公

千載同一情在昔使南海值雪臨東平谿谷變刻
縷與馬行瓏玲首路紀閱歷歸日圖丹青劔履展
暇豫几案游杳冥有書垂琳瑯有船駕蜻蜓秋色
洗空淨木葉含霜英鳧鷗闖蒲蓮魚龍汎清泠儼
然藐三山彷彿周八瀛不惟耳目豁直令天地醒
何地無佳山茲山以公名請登袁宏疏更補桑欽
經

題浮村上人三笑圖卷

公爲大導師擺落視一切高雲在遼廓古雪露清
霽莊生善玄理禪悅與深契野馬旣已忘毒龍不
煩制千光散聖燈卍字續佛慧東林緬前跡匡岳
行復繼禮公金伽黎還瞻世尊髻

題明少司農忠貞公卓惟恭先生傳

天地存混元陰陽運消息生人居其中綱常於此
植君臣與父子忠孝不可易巍巍忠貞公靖難死
社稷精誠白日貫正氣兩間塞生平湛經術手采
露鯁直當時論徙燕一疏具深識主上徒空領釀
禍成篡逆文皇愛其才欲殺還護惜豈知公就刃
凜烈著顏色雖然三族夷史冊照赫奕後來子若
孫遠托遼海籍禮樂致儒臣貂璫表武職純孝繼

忠蓋先後仰明德南歸住邗水於越同咫尺乙酉
國事變維揚塗鋒鏑公有九世婦錢氏藏複壁出
壁並諸姑赴池血流碧有明三百年仕宦千萬億
忠烈惟公家男女盡報國維公天篤生弱齡見奇
跡讀書寶香山玄義通辨晰每騎黑虎歸多值風
雨夕祠廟在螺髻棟宇新翬翼裔孫曰爾堪享祀
歲無斃夜深覽公傳異代成親炙稽首再拜之祇
肅立坐側恍惚神光來照我几與席

將歸南海留別廣陵卓子任張印宣蕭徵又
諸子

北方騎馬來南方問歸舟欲乘瓜步潮一縱長江
流弭節傍邗水少憩蕭寺幽維時值臘月歲晏亦
已道羣公擅風騷繾綣爲我留觴我于平山百物
陳俎羞靈泉吐神溜丹嶂開飛樓商榷大雅言杯
酌相勸酬清廟歌文王黍離感衰周雲韶有遺音
擊憂須鳴球鐘聲振猛篴鼓聲動犍牛譬彼登朝
堂天仗森龍旂琛賚效禹貢王會圖諸侯又如蓬
萊宮列仙驂青虬九鳳紛翱翔羣鳥徒喧啾沐浴
夾日月猗猗先驂騶曳必麒麟帶衣必朱纓裘佩
必明月珠懸必珊瑚鈎造化盡洩漏元氣誰能收

振羽任蟋蟀撼樹隨蚍蜉羣公枉詩篇膠漆何深
投健筆舉大鼎神工運人謀二氣爲醞釀萬象歸
冥揆送我返南海知我登羅浮羅浮四百峰飛雲
封上頭弱水在眼前金銀結丹丘麻姑有神丹親
授不用求玉女臨朱明相對忘春秋籠葱竹十丈
枝幹成蚴蟻蝴蝶如車輪南燭生田疇念我處空
山寂歷無匹儔其中有紅翠往往人間遊附書紅
翠來鯉魚相報否

題黃溧陽夫子黃山采芝圖

先生入承明左右玉几旁紅雲繞裳衣清珮鳴丁

當手握五色管爛然照七襄寶鼎識汾陰靈芝歌
齋房有若登蓬萊驟駕排帝閭安用黃山游縱體
乘風翔先生云山中雲帶纓虹梁三十有六峰斲
地皆松黃其下出溫泉丹水流泱泱我將往采芝
要得芝金光服之見八極車蓋護我行青驢不得
騎玉童任提筐我聞神仙事荒誕誠不常古來傳
軒轅後稱淮南王當時俱升天至今空茫茫大人
幹造化植立天地綱經緯在人倫翼贊當聖皇不
見絳節朝上帝居寥陽

贈中州和尚

浮雲向虛空東西易交失塵沙一撲眼毛髮不能
悉宗門證心性儒者論著述焉識泥犁苦更救衆
生疾吾師抱智珠四照光皙皙威振野千怖棒舉
雷電急莊嚴坐寶華蕭散視玉局我來邗溝城幸
接耶舍宅微言斷前後獨木非丈尺行張大江帆
歸息南溟翼三十六高峰瀑布飛講席尋當入黃
海丘壑乞片石時撫蒲團松日飲溫泉液天花落
我衣香風徧生腋

邗江早發

客夢雖在水不知波淺深無端昨夜雪飄入蘆花
林曙星猶未光天氣成積陰忽渡白馬湖聒聒來
一作沙禽遠火點大江長風吹歸心引領望楚國
一發吳會吟隱隱扶桑霞初日高照臨

贈浮村和尚次原韻

磊磊礪礪松琮琤玕筠龍鱗與鳳籜霜雪成佳
辰區區徑寸條出土較屈伸弱植了可見誰能測
其神吾師寶華王天人恒相親華嚴立國土世上
徒纖塵五色耀帝珠萬劫持法身焉知寒巖中不
起枯木春

南方在鷄尾北方在斗口自乘玄微車遠尋寂寞

友天瓢擬爲杯天乳行作酒相逢一痛飲此意畜
已久甘蔗得瞿曇蝴蝶托莊叟琉璃共瑩徹形貌
忘老醜羅浮吾家山歸去事隴畝候日朝朱明望
師立華首

羅浮有華首臺五百
羅漢曾聚於此說法

次韻答吳孟舉

語溪豪宕人肝腸雪霜白飽聞已哇論念想成風
昔提持愛紅袖倚傍卑綠幘往予在虎丘果得見
丰格鶯鳩起槍榆有此長離翮南山未爲高萬事
可輕擲張燈夜闌飲飲醉顏面赤狂來呼闔閭劔
池出干莫風流得似君有一可廢百還將綠沈管

把當長枝戟山僧精舍間書滿龍蛇跡千年短薄
祠萬古耶舍宅非無良讌會誰能有此役嶺南四
千里阻隔遙歎息彈琴抒懷人花落芙蓉夕草堂
生秋風正爾送歸客瓊瓏玉盤子何時復相射紫
蟹思共嘗霜柑憶初擘徒烹龍頭鎊日着桑柘屐
送龔蘅圃駕部權滿還朝

天池作南溟祝融司其方內者爲虎門外者爲大
洋星宿踰鶉尾朱垠極龍荒波濤一以隔扶胥巖
周防庸知海島人近者通梯杭國家重柔遠不禁
關與梁我公奉使來旌幢拂扶桑管權潔端已敷

政仁恤商暇則賦新詩讌客陳羽觴風流著文采
經濟崇巖廊維時值春農旱魃爲厲殃畎畝地甲
坼道路民徬徨斗米三百錢有錢不得將其弊在
私鑄官局無由行公爲斂官錢當軸請發倉更自
出清俸海舶畱饋糧斯民免哀鴻在牧無巨羊是
歲大有秋禾稼充圃場不惟供盤飧兼可治酒漿
公今還星輶商民遮道秀姓名億萬人爲公繡衣
裳香火建書院四時設蒸嘗伐石爲穹碑鐫刊志
不忘高于標銅柱功德垂天壤而我托素交送別
中皇皇六月當南風挂颿如飛鶴遠睇忽不見雲

山空青蒼行看上金殿簪筆侍玉皇

羅浮蝶歌

麻姑善狡猶髻象蓬萊峯渾身披五雲光散金芙蓉
遺衣化神蝶慣拍珠樹叢其大如車輪翩翩吹
香風小者若團扇往往烟霧籠兩翅耀星斗分列
西與東繡腹成錦囊黼黻非人工豈無綠毛鳳亦
有金花蟲徒然具形質文采焉能同我從瑤石來
洞門尋仙蹤信爲鳳凰子踟躕摩高空安得騎汝
回騁轡鞭茅龍

古寺

郊游寄昭曠長薄沿清瀆古寺湛水木散來有餘
芬霽色何暄妍盎然生春雲佛堂常明燈紫燄流
氤氳旛影動旆旆齋禽飛紘紘池蓮颺微風堦藥
交綺紋高詠成連琴刺船得未聞冰雪迸四照可
以回日曛

賦贈

金風扇秋節天宇澄爽氣羲御騰飛輪靈娥整修
轡煌煌婺星光晃晃金波麗瑤臺曜高迥珠斗森
連綴阿母逢令辰家慶炫甲第滿堂列篚筐賀者
無不至母儀坤德彰子道祿養備象笄映龍綃繡

服爲絲戲樂協絲竹音爵具金玉噐三漿捧瓊壺
人共百福醉

天曹孝不匱至性通明神去年歌皇華旌旄入西
秦古跡尋蒼碑壽萱見貞珉天預爲嘉祥歸以奉
其親再拜張錦堂字畫何炳麟响嶮與委宛蠖屈
而龍伸萱草凝三花玉葉成球琳金芝秀銅池五
色流清芬不見崑崙丘宮闕聞金銀紫瓊紛歲蕤
千歲桃花春

贈言

泰山拔萬丈元氣古鴻濛上倚斗樞極下鬱地維

隆由來小天下乃爲斯文崇蘊靈毓神異灝然會
不窮五百有昌期名世茲一逢微言恍洙泗雅頌
興曠聳聖人坐明堂制作惟折衷乘雲握日月仙
珮搖天風有時唾珠玉銀漢輝相通

吾道大行日唐虞起治安大儒崇禁近作者乃交
歡手握珊瑚筆出入朝金鑾七襄成五雲喬皇天
地觀十年成均地鐘鼓聲未殘王風紹大雅禮樂
不爲難帝爲期無刑垂衣詢九官司空旣克讓稷
契猶盤桓協中有至理弼教斯成寬惟是操天德
元命求其端欽哉帝念茲位育功斯完

高秋何豁落星宿紛翺翺恍見芙蓉旌慶霄靄羽
裳太微顯執法皎皎流清霜相望文昌地奎壁連
珠光北斗持斟酌含元調玉漿何年漢廷士挹露
金莖芴



金華

概去非... 我士... 蘇... 蘇...

棠大... 蘇... 蘇... 蘇...

高... 蘇... 蘇... 蘇...



